



NEGERI BRUNEI

E 4 TAHUN 1976

UNDANG2 PELAJARAN
(LEMBAGA PEPEREKSAAN2 BRUNEI),
1976.

Beta bersetuju,



HASSANAL BOLKIAH

*Duli Yang Maha Mulia
Paduka Seri Baginda Sultan
dan Yang Di-Pertuan.*

*Satu Undang² untok menubuhkan Lembaga
Peperiksaan² Pelajaran Brunei dan untok membuat
sharat² bagi perkara² yang berkenaan dengan-nya.*

[1-1-1975]

Gelaran dan
permulaan.

1. Undang² ini boleh di-gelar sabagai Un-
dang² Pelajaran (Lembaga Peperiksaan² Brunei),
1976 dan hendak-lah di-anggap telah berjalan kuat-
kuasa-nya pada 1 haribulan Januari, 1975.

Penubohan dan
susunan Lem-
baga Peperek-
saan² Brunei.

2. (1) Maka hendak-lah di-adakan sa-buah Lem-
baga yang di-gelar Lembaga Pepereksaan² Brunei
(sa-lepas ini di-sebut sa-bagai Lembaga).

(2) Yang berikut akan menjadi ahli² Lem-
baga : —

- (a) sa-orang Pengerusi, yang akan di-
lantek oleh Duli Yang Maha Mulia
Paduka Seri Baginda Sultan dan
Yang Di-Pertuan;
- (b) Pengarah Pelajaran atau wakil-nya;
- (c) Pengetua Pegawai Hal-Ehwal Ugama
atau wakil-nya; dan
- (d) tidak kurang daripada tujuh dan
tidak lebeh daripada sa-belas orang
ahli lain yang akan di-lantek oleh
Baginda.

(3) Baginda akan melantek sa-orang Setia-
usaha Lembaga.

(4) Tiap² ahli Lembaga yang di-lantek oleh
Baginda akan memegang jawatan selama tiga
tahun melainkan di-titahkan sa-balek-nya oleh
Baginda :

Dengan syarat bahawa Baginda boleh
pada bila² masa membatalkan mana² lantekan
sedemikian.

(5) Manakala tamat tempoh jawatan sa-
saorang ahli yang di-lantek oleh Baginda, maka
Baginda boleh melantek semula ahli tersebut bagi
suatu tempoh selanjut-nya.

(6) Apakala sa-orang ahli Lembaga mening-
gal dunia, bengkrap, tidak berupaya menjalankan
tugas, meletakkan jawatan, tidak ada dalam negeri
selama lebeh dari enam bulan dengan tidak men-
dapat kebenaran bertulis daripada Pengerusi atau
perlantekan-nya di-batalkan, maka ia dengan serta-
merta terhenti daripada menjadi ahli Lembaga dan
sa-orang ahli baru akan di-lantek.

(7) Tiada sebarang tindakan atau perjalanan
kerja Lembaga ini boleh di-perso'alkan oleh sebab
kekosongan apa jua jawatan dalam Lembaga.

**Persidangan
Lembaga.**

3. (1) Lembaga hendak-lah bersidang sekurang2-nya dua kali sa-tahun, dan boleh bersidang pada bila2 masa yang mungkin di-anggap perlu.

(2) Koram Lembaga ia-lah tujuh orang ahli.

(3) Jika berlaku undi yang sama mengenai sabarang perso'alan maka Pengerusi akan mempunyai undi pemutus sa-lain dari undi asal-nya.

(4) Terta'alok kepada syarat2 dari Undang2 ini, Lembaga boleh mengator achara-nya sendiri.

**Lantekan
pegawai2.**

4. Baginda boleh melantek pegawai2 untok bertindak di-bawah arahan dan kawalan 'am Lembaga yang di-fikirkan-nya perlu bagi maksud Undang2 ini.

Tugas.

5. (1) Lembaga akan terta'alok kepada syarat2 Undang2 ini dan mana2 peratoran yang di-buat di-bawah-nya bertanggung-jawab bagi menjalankan peperiksaan2 bagi maksud Undang2 ini.

(2) Peperiksaan2 yang akan di-adakan termasuk : —

(a) peperiksaan yang akan di-namakan "Brunei Junior Certificate of Education" dan "Sijil Rendah Pelajaran Brunei" yang akan di-adakan pada suatu peringkat dalam kursus menengah yang akan di-tetapkan;

(b) peperiksaan2 yang akan di-namakan "Brunei Cambridge General Certificate of Education (Ordinary Level/Sijil 'Am Pelajaran Singapura-Cambridge (Peringkat Biasa))" dan "Brunei-Cambridge General Certificate of Education (Advance Level)/Sijil 'Am Pelajaran Singapura-Cambridge (Peringkat Tinggi)" yang akan di-adakan pada penghujung kursus sekolah menengah;

(c) apa jua peperiksaan lain yang akan di-jalankan untok atau bagi pihak mana2 badan (sama ada tempatan atau seberang laut) yang di-anggap oleh

Mentri Besar sa-bagai berfaedah bagi kepentingan orang ramai untok di-adakan.

Kuasa untok
membuat
peratoran².

6. (1) Mentri Besar dengan persetujuan Baginda boleh sa-lepas berunding dengan Lembaga membuat peratoran² pada 'am-nya untok menjalankan Undang² ini dan dengan tidak mengurangkan kuasa² 'am itu boleh membuat peratoran² yang mempersharatkan —

- (a) Peperiksaan² yang akan di-adakan bagi maksud Undang² ini;
- (b) waktu² dan tempat² peperiksaan akan di-adakan; dan kelayakan² serta sharat² memasoki peperiksaan;
- (c) bayaran² yang akan di-bayar untok memasoki peperiksaan;
- (d) sukatan² mata-pelajaran dan bahasa pengantar bagi peperiksaan²;
- (e) perjalanan peperiksaan²;
- (f) perlantikan orang² untok membuat, menilai atau memeriksa kertas² peperiksaan; dan menetapkan bayaran² yang akan di-bayar kapada orang² itu.

(2) Mentri Besar dengan persetujuan Baginda boleh menyerahkan kapada Lembaga kuasa untok membuat peratoran² yang mempersharatkan perkara² yang di-nyatakan dalam perenggan² (b), (c) dan (d) cheraian (1) dari bab ini.

Laporan
Tahunan.

7. Lembaga akan, dengan sa-chepat mungkin sa-lepas tiap² penghujung tahun kalendar, menyebabkan supaya satu laporan di-buat dan di-hantar kapada Mentri Besar mengenai kegiatan² Lembaga di-sapanjang tahun sa-belum-nya dan mengandongi ma'alumat sedemikian yang Mentri Besar mungkin mengarahkan.

Pegawai² hendaklah di-anggap sebagai pegawai² Kerajaan.

8. Tiap² orang yang di-lantek di-bawah atau yang dengan sah menjalankan kuasa² sa-barang orang yang di-lantek di-bawah kandungan Undang² ini akan di-anggap sabagai kakitangan Kerajaan bagi maksud Undang² Hukuman Jenayah.

Di-luluskan pada 12hb. Januari, 1976.

JUDIN ASAR
Jurutulis,
Majlis Mashuarat Negeri,
Brunei.